

16 Januarie 2026

Aan:

Die Munisipale Bestuurder
Obakeng Isaacs
Kai !Garib Plaaslike Munisipaliteit
Keimoes
8860

Versoek om openbare vergadering: waterinfrastruktuur, waterwakontrakteurs en dienslewering in Kakamas

Geagte Obakeng Isaacs

Die Kakamas Belangegroep rig hiermee 'n formele versoek aan u kantoor vir die **reël van 'n vergadering** tussen die administrasie van die Kai !Garib Plaaslike Munisipaliteit en lede van die gemeenskap van Kakamas, verteenwoordig deur die Belangegroep.

Hierdie versoek volg op volgehoue probleme met **waterbetroubaarheid, watergehalte en waterinfrastruktuur** in Kakamas, asook ernstige gemeenskapsbesorgdheid oor die wyse waarop hierdie kwessies administratief hanteer word.

Aard en doel van die vergadering

Die doel van die vergadering is om:

- feitelike en administratiewe duidelikheid te verkry oor die huidige toestand van die waterstelsel in Kakamas;
- insig te kry in besluitneming en besteding rakende noodmaatreëls, veral waterwakontrakteurs; en
- 'n duidelike, tydgebonde pad vorentoe te bespreek vir volhoubare dienslewering.

Die Belangegroep versoek dat die vergadering:

- **openbaar** sal wees;
- deur lede van die publiek bygewoon mag word; en
- **by die Kakamas-waterwerke**, geleë op die **hoek van Neethlingstraat en Elfde Laan**, gehou word, aangesien dit die fisiese kern van die betrokke probleme is.

Voorgestelde gesprekspunte

Ten einde 'n gestruktureerde en produktiewe vergadering te fasiliteer, stel die Belangegroep voor dat die volgende gesprekspunte aangespreek word:

1. Waterwa-dienste en kontraktering

- Die identiteit van alle kontrakteurs wat waterwa-dienste aan die munisipaliteit gelever het gedurende die 2023/24- en 2024/25-finansiële jare.
- Die verkrygingsprosesse wat gevolg is, insluitend noodverkryging waar van toepassing.
- Die kontrakwaardes, duur van kontrakte, en administratiewe toesig oor hierdie kontrakte.
- Stawende dokumente wat die munisipaliteit se storie ondersteun.

2. Regverdiging vir volgehoue gebruik van waterwaens

- Die administrasie se beoordeling van waterwaens as nood-, medium- of langtermynoplossing.
- Prestasie-aanwysers of kriteria wat gebruik word om die voortgesette gebruik daarvan te evalueer.
- Stawende dokumente wat die munisipaliteit se storie ondersteun.

3. Toestand en funksionaliteit van die Kakamas-waterwerke

- 'n Tegniiese oorsig van die huidige toestand van die waterwerke.
- Huidige bedryfskapasiteit teenoor ontwerpvermoë.
- Kritieke defekte en beplande herstelwerk.
- Stawende dokumente wat die munisipaliteit se storie ondersteun.

4. Waterverliese in die verspreidingsnetwerk

- Verduideliking van die hoë persentasie waterverliese soos weerspieël in die munisipaliteit se finansiële state.
- Bestaande of beplande verliesverminderingsprogramme en tydlyne.
- Stawende dokumente wat die munisipaliteit se storie ondersteun.

5. Administratiewe besluite rakende gemeenskapsingryping

- Die regs- en veiligheidsgronde waarop gemeenskapsherstelwerk aan die waterwerke aanvanklik toegelaat en later gestaak is.
- Die besluitnemingsproses en verantwoordelikheid binne die administrasie.
- Stawende dokumente wat die munisipaliteit se storie ondersteun.

6. Watergehalte en openbare gesondheid

- Die jongste watergehalte-toetsresultate vir Kakamas.

- Die administrasie se reaksie op gesondheidswaarskuwings en risikobestuur.
- Stawende dokumente wat die munisipaliteit se storie ondersteun.

7. Kommunikasie met inwoners

- Die huidige kommunikasieprotokolle met betrekking tot waterkwaliteit, diensonderbrekings en gesondheidswaarskuwings.
- Die rol van gemeenskapsorganisasies in hierdie kommunikasie.
- Stawende dokumente wat die munisipaliteit se storie ondersteun.

8. Pad vorentoe

- 'n Konkrete, tydgebonde plan om waterbetroubaarheid te herstel, infrastruktuur te verbeter en afhanklikheid van noodmaatreëls af te skaal.
- Stawende dokumente wat die munisipaliteit se storie ondersteun.

Slot

Die Belangegroep doen hierdie versoek te goeder trou, in belang van deursigtigheid, openbare gesondheid en verantwoordbare plaaslike administrasie. Ons vertrou dat u kantoor hierdie versoek met die nodige erns sal hanteer en sien uit na u terugvoer rakende 'n geskikte datum en tyd vir die vergadering.

Ons is bereid om praktiese reëlins in samewerking met u kantoor te tref.

Die uwe

Kakamas Belangegroep

per

Jaco Visser

Woordvoerder

Kontakbesonderhede: 0722355419

kakamasbelangegroep@gmail.com